

querunt amicos, famam magnæ laudis tunc de ipsa concordia per ipsam habuerunt. Eodem supradicto Anno 1159. Pisani miserunt Pelagium Consulem cum Gerardo Comite, & Curte Vecchia cum Nobilibus Pisanis militibus, & cum sagittariis, & ædificatoribus, XV. Cal. Septembris in auxilium Imperatoris Frederici ad obsidionem Mediolani, quod VI. Idus Septembris. Imperator cecidit. Unde Pisani cum laude & honore, & bona Imperatoris gratia redierunt, VI. Calen. Octobris. Et die, quo se Mediolanenses dederunt, Imperator Mediolani coronam sibi posuit Imperii triumphanter. Eodem pariter Anno Mediolanum, Brixia, Plagentia, & Cremona ab ipso Imperatore discordaverunt.

Anno 1160. Imperator prædictus reversus ad devallandam civitatem Mediolanensem, & alias sibi deditas destruxit, & combussit, ex quo tota Lombardia doluit, & non parum.

Anno 1161. Rainerius Scaccerius obiit XV. Cal. Julii, & fuit sepultus in Ecclesia S. Mariæ Majoris Pisis cum magna veneratione. Fuit sic Sanctus in terra, & in mari, quia marinarii de eo multa mirabilia videbant.

Anno 1162. Pisani miserunt ad Imperatorem Fredericum Legatos, scilicet Ildebrandinum Mele, tunc Consulem, Bulgarinum Bulgarellæ, & Lambertum Grassum, qui cum ipso Imperatore satis tractaverunt ad honorem & augmentum Imperii, & Pisani Communis. Eodem Anno Coctus Consul, & Boccacius Ambasciatores pro Comuni Pisano ad Imperatorem Constantinopolitanum euntes, cum ipso per Annum steterunt, quia cum Pisanis se unire volebat dictus Imperator, nisi Pisani promitterent de non adjuvando Imperatorem Fredericum. Tandem finis alia concordia Pisas reversi sunt; noluerunt enim Imperatorem Fredericum relinquere, ut veri & puri amici.

Anno 1163. Lambertus Consul, Villanus Ricuochi, Boccius, Henricus Frederici, Opitho, & Sigerius Legis Doctores Ambasciatores Pisani Communis, ab Imperatore Frederico Vexillum receperunt, & Spatam pro Investitione Imperatoria super omnes civitates Tusciæ. Eodem Anno 68. galæas ad honorem ipsius Imperatoris Pisani fecerunt. Eodem pariter Anno Comes Ildebrandinus fidelitatem cum tota sua Terra & hominibus juravit Pisanis.

Item incepta fuit magna domus juxta litus maris Portus Magnalis pro utilitate Marina-riorum; & magnum fundatum Pharum cum turri & porta ferrea ex tunc inceptum post paucos Annos.

Item eodem Anno Imperator Fredericus post obsidionem quatuor annorum Mediolanum destruxit, & combussit, nihilo præter personas & pecuniam reservato: quod factum est Anno Regni ipsius Imperatoris X. & Imperii ejus VIII. Et ex tunc timore percussæ omnes Terræ Lombardiæ ipsius Imperatoris subire mandata.

Item Pisani in pace manentibus, & nullo galearum apparatu habentibus, Januenses perjuram guerram inceperunt XI. Cal. Julii, Caprariam comburentes, per mare subito, & continuè huc & illuc discurrerent, diversa & gravia damna mercibus & personis Pisanorum navigantibus, & de guerra nihil scientibus, intulerunt, occidendo, & submer-

A gendo ligna, & homines. Ex quo Pisani irati X. galæas, & XI. saettias velociter ordinarunt, & Caput Corsi vastaverunt, & duas naves Januensium ditissimas ceperunt prope Populonium, quarum una de Soria, & altera de Constantinopoli veniebat VIII. Idus Julii, ubi 62. Januenses occisi fuerunt. Postea pridie Idus Julii aliam navem de Sicilia redeuntem ceperunt in Ylba. Quo Pisis noto, Pisani ad illas alias miserunt saettias XIV. usque Populonium in succursum, & XII. galæas Januensium, quæ ad nostras adoriendas de Janua venerant, expulerunt; & sic cum navibus onustis, & LV. Januensibus captivis Pisas cum honore & letitia XII. Cal. Augusti redierunt. Eodem Anno Pisani paraverunt XXIV. galæas, & XXX. saettias pro navali bello faciendo contra Januam ad Portum Veneris. Propter quod Januenses miserunt ad Imperatorem Fredericum, supplicantes, ut treguam vel pacem inter ipsos & Pisanos faceret. Pisani verò id audientes, ad ipsum Imperatorem solemnes Ambasciatores miserunt VII. Idus Augusti, opposites contra Januenses, quomodo pacem & juramenta fregerant, & guerram crudeliter & improvise inceperant. Et

B Imperator rogavit, quod usque ad suum adventum Pisani guerram non facerent; ibat enim tunc Imperator ad Bellitionem pro discordia, quam Papa Victor, & Papa Alexander inter se habebant, judicanda. In qua via secum duxit Imperator duos de Pisanis Ambasciatoribus, scilicet Henricum Canis Consulem, & Rainerium Gaitani. Rex quidem Franciæ de concordia Victoris Papæ, quam Imperator fieri promisit, minimè observavit. Et tunc prædictos Pisanos Rex ipse allocutus est, promittens eis pro amore Pisani Communis amicitiam & conservitium gaudentem. Rex itaque cum indignatione Imperatoris, & cum Papa Alexandro reversus est in Franciam, & Imperator cum Papa Victore in Alaman-

C Eodem Anno 1163. Guilielmus Rex Siciliæ pacem cum Pisanis habens, propter dilectionem, quam videbat inter Pisanos & prædictum Imperatorem Fredericum, timens de Pisanis, subito ipsos Pisanos omnes, quos in Regno suo invenit, cepit, & imperionis & rebus eos tenuit.

Anno 1164. XIII. Calendas Julii Pisani fuerunt cum magno exercitu contra castrum de Peccioli, quod erat multum infestum & damnosum eis, cum 400. militibus, & tribus milibus peditum. Et ipsum sibi deditum in Vigilia Sancti Johannis Baptiste habuerunt; & ex tunc Roccam de Pava, & omnia alia castra usque Vulterram habuerunt; & sic cum magno triumpho Pisani Sex. Calend. Julii ad propria redierunt.

E Eodem Anno plures galæas pro servitio Imperatoris Frederici fecerunt, & comitatu & honoribus creverunt. Eodem Anno ante Cal. Aprilis Rainaldus Colonienfis Archiepiscopus, & Italiæ Archicancellarius venit Pisas; & Pisani cum eo miserunt per Tusciam Ambasciatores, ita quod timore Pisanorum subito tota Tuscia fidelitatem Imperatori Frederico juravit in manus ejusdem sui Archicancellarii. Qui rediens Pisas, Pisanis immensas retulit gratias, & in Alamaniam proficiscens, Imperatori publicè retulit, quod Tusciam habebat gratia Pisanorum.